

PRAVILA PRIVATNOSTI

Svrha i cilj

Cilj Pravila privatnosti Ministarstva pravosuđa, uprave i lokalne samouprave Hercegovačko - neretvanskog kantona (u daljem tekstu: Ministarstvo) je da, u skladu sa članom 14. Zakona o zaštiti ličnih podataka (u daljem tekstu: Zakon), svim licima, čije lične podatke obrađuje, pruži osnovne informacije o toj obradi na transparentan način.

Svrha i pravni osnov za obradu ličnih podataka

Vaše lične podatke Ministarstvo obrađuje u skladu sa članom 8. stav (1) tačka a), c), i e) Zakona, izvršavajući svoje zadatke i ovlaštenja. Navedeni zadaci i ovlaštenja uključuju

- postupanje po podnesenim prigovorima nosilaca ličnih podataka;
- postupanje po podnesenim zahtjevima različitih subjekata i fizičkih lica;
- primjene obaveza propisanih ovim zakonom.

Vaše lične podatke Ministarstvo obrađuje ispunjavajući svoje pravne obaveze, u skladu sa članom 8. stav (1) tačka e) Zakona u svrhu:

- registracije i preregistracije udruženja;
- rada za opće dobro na slobodi;
- inspekcijskog nadzora;
- odgovaranja na zahtjev za slobodan pristup informacijama;
- organizovanje i provođenje polaganja stručnog ispita za namještenike;
- prijema u radni odnos u Ministarstvo;
- drugih poslova iz svoje oblasti u skladu sa zakonom.

Vaša prava u vezi sa obradom ličnih podataka

Pravo na prigovor: Kada Vaše podatke obrađujemo u postupku po prigovoru ili u postupku po službenoj dužnosti ili u postupku davanje mišljenja ili po nekom drugom pravnom osnovu.

Pravo na pristup svojim ličnim podacima: U okviru ovog prava možete zatražiti detaljne informacije posebno o svrsi obrade, o vrsti odnosno kategorijama ličnih podataka koji se obrađuju uključujući i uvid u svoje lične podatke, o primaocima ili kategorijama primalaca, te o predviđenom vremenskom periodu u kojem će lični podaci biti čuvani.

Pristup ličnim podacima može biti ograničen samo u slučaju kada je posebnim zakonom propisano ograničenje zbog poštovanja prava i sloboda drugih lica.

Pravo na ispravku ličnih podataka: Imate pravo zahtijevati ispravljanje ili dopunjavanje ličnih podataka ako Vaši podaci nisu tačni, potpuni i ažurni. Napominjemo da je u zahtjevu potrebno navesti šta nije tačno, potpuno ili ažurno i u kojem smislu bi navedeno trebalo ispraviti, te dostaviti potrebnu dokumentaciju u prilog svojih navoda.

Pravo na brisanje: Vaši lični podaci više nisu neophodni u odnosu na svrhu u koje smo ih prikupili ili obradili; ako se lični podaci obrađuju uz vašu saglasnost (član 8. stav (1). ili član 9. Zakona) i ako ne postoji drugi pravni osnov za obradu Vaših ličnih podataka; uložili ste prigovor na obradu svojih ličnih podataka, u skladu sa članom 23. stav (1) Zakona, te ako ne postoje drugi pravni osnovi za obradu; lični podaci su nezakonito obrađeni.

Izuzeci za ostvarivanje prava na brisanje: Radi ostvarivanja prava na slobodu izražavanja i informiranja; radi poštovanja pravne obaveze ili za izvršavanje zadataka u javnom interesu ili pri izvršavanju službenih ovlaštenja kontrolora; u svrhe arhiviranja u javnom interesu, u svrhe naučnog ili historijskog istraživanja ili u statističke svrhe, u skladu sa članom 56. stav (1) Zakona, u mjeri u kojoj je vjerovatno da se pravom iz stava (1) može onemogućiti ili ozbiljno ugroziti postizanje ciljeva te obrade; ili radi postavljanja, ostvarivanja ili odbrane pravnih zahtjeva.

Prijenos ličnih podataka drugim kontrolorima podataka

Vaše lične podatke Ministarstvo daje pružaocima informatičko - komunikacijskih usluga sa kojima je zaključila ugovor i koji poštuju pravila postupanja sa ličnim podacima. Vaše lične podatke Ministarstvo može dati trećoj strani ukoliko je isto potrebno za izvršavanje zakonom propisanih obaveza treće strane ili ukoliko je to neophodno za izvršavanje legitimnih interesa treće strane. Takođe, Vaše podatke Ministarstvo neće prenositi trećim licima u inostranstvu, osim ukoliko takva obrada nije neophodna na osnovu međunarodnog propisa ili ugovora koji obavezuje Bosnu i Hercegovinu ili ukoliko to nije neophodno u okviru posebnog postupka u vezi sa zaštitom prava na privatnost koje provodi neka od zemalja članica EU. Vaše lične podatke Ministarstvo neće prenositi u svrhu direktnog marketinga.

Sigurnost ličnih podataka

Vaše lične podatke Ministarstvo obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih

podataka, smanjenje količine ličnih podataka, po principu neophodnosti, poštujemo vremenski period čuvanja ličnih podataka kao i njihovu raspoloživost.

U cilju sigurnosti ličnih podataka primjenjuje se standard informatičke sigurnosti. Preduzete su organizacijske i tehničke mjere zaštite ličnih podataka, koje su propisane u Planu sigurnosti ličnih podataka, kako bismo osigurali: povjerljivost, integritet, raspoloživost, autentičnost, mogućnost revizije i transparentnost.

Svi zaposleni u Ministarstvu su potpisali izjave o povjerljivosti ličnih podataka kojima pristupaju.

Vremenski period čuvanja ličnih podataka

Vaše lične podatke Ministarstvo obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci se više ne koriste ali se čuvaju u arhivi onoliko vremena koliko obavezuju zakonski propisi o arhivskoj građi.

Promjene Pravila privatnosti

Ministarstvo će redovno ažurirati Pravila zaštite ličnih podataka kako bi ista sadržavala tačne informacije. O svim izmjenama i dopunama bićete blagovremeno informirani, u skladu sa principom transparentnosti.

Za ostvarivanje prava možete se obratiti službeniku za zaštitu ličnih podataka na dole navedene kontakt podatke.

Podaci o službeniku za zaštitu podataka

Službenik za zaštitu ličnih podataka u Ministarstvu ne daje pravne savjete drugim kontrolorima i obrađivačima. Njegova osnovna uloga je davanje savjeta i preporuka o obradi ličnih podataka rukovodstvu i zaposlenim Ministarstva, koji rade na poslovima obrade ličnih podataka, te nosiocima ličnih podataka čiji lični podaci se obrađuju od strane Ministarstva (podnosioci zahtjeva, podnosioci prigovora, podnosioci prijave, zaposleni i sl.). Kontakt: Tel: +387 36 555 747 e-mail: szzlp@mpulshnk.gov.ba

Kontakt informacije

Ministarstvo pravosuđa, uprave i lokalne samuprave Hercegovačko-neretvanskog kantona, Maršala Tita 91, 88000 Mostar; tel: +387 36 555 740; fax: +387 36 550 031; e-mail: m.prave@bih.net.ba.

Vaš Zahtjev možete preuzeti u sljedećem Linku:

[ZAHTEV NOSIOCA PODATAKA](#)